



Uhvaćen na djelu: Imamović uhapšen u trenutku primopredaje 10.000 KM, od ukupno 30.000 KM, koliko je trebalo da uzme od odgovornog lica u preduzeću "Tuzla - kvarc" u zamjenu za koncesiju

TUZLA - Dugogodišnji pomoćnik ministra industrije, rudarstva i energetike u Vladi TK Bahir Imamović (60) iz Miričine, kod Gračanice, član SDP-a, uhapšen je u četvrtak zbog korupcije u akciji službenika SIPA, koja je realizovana po nalogu Tužilaštva BiH.

Imamović je uhapšen u prostorijama Vlade TK, a potom su službenici SIPA pretresli njegov automobil te ga priveli u službene prostorije gdje će ga saslušati tužilac Tužilaštva BiH.

U saopštenju Tužilaštva BiH navodi se kako je osumnjičeni uhapšen u trenutku primopredaje dara u iznosu od 10.000 KM, od ukupno 30.000 KM koliko je Imamović trebalo da uzme od jednog odgovornog lica u preduzeću "Tuzla - kvarc", čiji radnici nekoliko mjeseci protestuju ispred pravosudnih institucija u Tuzli upravo zbog nedobijanja dozvole za dalji rad.

Naime, preduzeću "Tuzla-kvarc" nije izdata saglasnost na koncesiju za eksploataciju kvarcnog pijeska na lokalitetu Bukinje, a osumnjičeni Imamović je tražio navedeni iznos kako bi kao pomoćnik resornog ministra zloupotrijebio svoje ovlasti i proveo neophodnu proceduru te na koncu izdao dozvolu na koncesiju za dalju eksploataciju kvarcnog pijeska.

"Ova akcija pokazuje odlučnost Tužilaštva BiH u borbi protiv korupcije i koruptivnih krivičnih djela i predstavlja primjer dobro provedene i realizovane is-



HAPŠENJE U VLADI TK: SIPA uhapsila Bahira Imamovića zbog sumnje u korupciju

Pomoćnik ministra tražio mito za koncesiju



trage u kojoj su prikupljeni detaljni i neoborivi dokazi o procesu traženja i predaje dara u svrhu zloupotrebe službenog položaja i

ostvarivanja nezakonite imovinske koristi", navodi se u saopštenju Tužilaštva BiH.

Tužilaštvo BiH podsjeća

Hapšenje u TK zbog mita

● Službenici SIPA su u decembru 2013. godine zbog uzimanja mita uhapsili nekadašnjeg federalnog zastupnika Midhata Osmanovića i v.d. direktora ZZO Velida Torića. Njima je nedavno izrečena prvostepena presuda u Općinskom sudu Tuzla po kojoj je Midhat Osmanović osuđen na jedinstvenu kaznu zatvora u trajanju od dvije i po godine zbog počinjenja produženog krivičnog djela zloupotrebe položaja i ovlaštenja i krivičnog djela primanja dara i drugih oblika koristi, dok je Velid Torić osuđen na dvije godine zatvora zbog počinjenja krivičnog djela zloupotrebe položaja i ovlaštenja.

da ima nulti stepen tolerancije prema korupciji i najavilo je odlučnu borbu protiv svih oblika koruptivnih djela, naročito onih koja uključuju zloupotrebu službenog položaja za ostvarivanje nezakonite imovinske koristi.

PODRSKA Iz Vlade TK poručili da će pomoći u rasvjetljavanju ovog slučaja

Inače, Bahir Imamović je od 2001. godine bio pomoćnik ministra za oblast rudarstva, a prethodno je radio u općini Gračanica i preduzeću "Gramat" Gračanica.

Iz Vlade TK poručili su da podržavaju rad svih istražnih i pravosudnih organa na području BiH.

"Kada su ovaj, ali i drugi slučajevi u pitanju, Vlada će učiniti sve što je u njenoj nadležnosti kako bi pomogla istražnim organima da utvrde sve činjenice i rasvijetle okolnosti događaja", poručili su iz Vlade.